

O vindeiro luns 9 de novembro, a Casa da Cultura de Verín acollerá a xornada 'Estratexias para o Desenvolvemento do Cooperativismo na Comarca de Verín', organizada polo Concello de Verín e a Consellería de Traballo e Benestar.

Esta xornada, destinada a empresarios, emprendedores e traballadores da comarca, ten como obxectivos xerais contribuír a promocionar e difundir o cooperativismo en Verín -formas de constitución da cooperativa, vantaxes e ferramentas de desenvolvementos económico, social e de xeración de emprego de calidade-; e dar a coñecer experiencias de éxito que, ao respecto, se desenvolveron tanto en Galicia como no norte de Portugal.

O programa de 'Estratexias para o Desenvolvemento do Cooperativismo na Comarca de Verín' é o seguinte:

- **10 horas.** Apertura da Xornada e conferencia central: *As cooperativas e o seu futuro próximo en Galicia*, de Higinio Mougán Bouzón, director xerente de AGACA (Asociación Galega de Cooperativas Agrarias).
- **10.30 horas.** *Factores clave de éxito na xestión das cooperativas: "O caso Feiraco"*, de Ismael Martínez Ledo, responsable técnico I+D+I de Feiraco, S. C. G. (Negreira- A Coruña).
- **11.15 horas.** Pausa – café.
- **11.45 horas.** Mesa redonda: *Experiencias de cooperativas: as claves do éxito*, moderada por Victoria Rois García -secretaria xeral da Cámara de Comercio e Industria de Ourense-; e coa participación de Alberto Amil Chaves -presidente Horsal, S. C. G. de Cambados (Pontevedra)-, Luis Pisco -presidente da Cooperativa Agrícola Norte Transmontano, C.R.L. de Chaves (Portugal)- e Begoña Gómez González -técnico Biocoop, S.C.G. (Verín)-.
- **14 horas.** Acto de Clausura, coa participación de Xoan Miguel Concheiro Abal -subdirector xeral de Cooperativas e Economía Social da Consellería de Traballo- e Benestar e Juan Manuel Jiménez Morán -alcalde de Verín-.